


KORRIKA KULTURALAREN LITERATURA ASTEA EHU-N

Euskal literaturaren eskaintza dotorea Arabako campusean

PABLO S. QUIZA



Iñigo Aranbarri eta Jose Luis Otamendik ere parte hartuko dute Literatura astean.

Hilaren 13an, 14an eta 15ean Bernardo Atxagak, Joxerra Garziak, Jose Luis Otamendik, Kirmen Uribek, Igor Estankonak, Harkaitz Canok eta Iñigo Aranbarrik parte hartuko dute, besteak beste

Iñigo Olabarri • Gasteiz

Euskal literaturaren inguruko hainbat eskaintza interesgarri jasotzeko aukera izango da, AEKren Korrika Kulturalaren barruan, Euskal Herriko Unibertsitateko Arabako campusean antolatu duten Literatura astean.

Martxoaren 13an hasi eta martxoaren 15a arte iraungo du. AEK-k EHUren Arabako campuseko Euskal Adarra eta bertako euskara taldea izan ditu lankide euskal literaturaren atal desberdinak jorratuko dituen astea antolatzeko orduan.

Hasierako ekitaldi benetan deigarria izango du Literatura

asteak Bernardo Atxaga idazlearen irakurraldiarekin datorren asteartean. Asteasuko idazlea izango da Korrika Kulturalaren *Literatura astearen* lehendabiziko protagonista.

Poesia, euskal idazle gazteen poesia, nagusiki, goatzeko aukera paregabea eskainiko duen ekitaldia izango da martxoaren 14an. *Poesia berria milurteko berrian* izenburupean,

hainbat idazle gazteren lanek euskal literaturari egin dioten ekarpenaren berri emango dute Unibertsitate Pabilioian.

Poema musikatuak izango dira ikuskizunaren ardatz. Horien bitartez jasoko dituzte entzuleek azken boladan Euskal Herriko hainbat poeta gazteren eta musikari gazteren lan-kidetzatik atera diren ikuskizun ederren laginak.

Poeta gazteen lanak eta musika elkarrekin azalduko dira hilaren 14an Unibertsitate Pabilioian

Irakurleak mahai inguruaren ardatz

Martxoaren 15ean, berriz, mahai ingurua izango da Euskal Herriko Unibertsitatearen Arabako campusaren Gradu Aretoan. Mahai inguru horretan euskal literaturaren gaineko hainbat gogoeta azaleratuko dituzte hiru mahaikideek: Xabier Mendiguren Elizegik, Joxerra Garziak, eta Andolin Eguskitzak.

Mahai inguruak irakurleak izango ditu ardatz nagusi. «Irakurleak sendotzen du literatura, eta irakurleen galeraren arazoaz hitz egiten da behin baino gehiagotan», Korrika Kulturala-

Egitaraua

Martxoaren 13a

Areto Nagusian, eguerdiko 12:00etan:

Bernardo ATXAGAren irakurraldiarekin hasiko da Literatura Astea.

Martxoaren 14a

Pabilioian, eguerdiko 12:00etan.

'Poesia berria milurteko berrian'

Musikatutako poemak:

Poeta hauek parte hartuko dute ekitaldi honetan:

- Kirmen Uribe
- Igor Estankona
- Castillo Suarez
- Harkaitz Cano
- Garikoitz Berasaluze
- Jose Luis Padron
- Urtzi Urrutikoetxea
- Jose Luis Otamendi
- Iñigo Aranbarri
- Gerardo Markuleta
- Ricardo Arregi Diaz de Heredia
- Isabel Diaz

Kantariak, berriz, beste hauek izango dira:

- Asier Serrano
- Mikel Telleria
- Imanol eta Joni Ubeda.
- Mikel Markez.

Martxoaren 15a

Gradu Aretoan, eguerdiko 12:00etan.

Mahai ingurua: 'Zergatik ez dago modan irakurtzea?'

Euskal literaturaren gaineko gogoe-tak:

Mahai inguruan hauek parte hartuko dute:

- Xabier Mendiguren Elizegi
- Joxerra Garzia
- Andolin Eguskitza

Oharra: POESIA BERRIA MILURTEKO BERRIAN emanaldian, martxoaren 21ean, Bilboko Bidebarrieta liburutegian izango dugu, hau ere Korrika Kulturalaren barne.

ren antolatzaileek jakinarazi dutenez. Egoera hori aurrez aurre dutela, literaturaren munduan zerikusia duten sektoreek hartu beharreko jokabideaz jardungo dute mahai inguruko parte-hartzaileek.

Argitaletxeek eta idazleek egoera horren aurrean egin dezaketena ez da izango mahai ganean jarriko den gai bakarra. Mahai inguruan hizlarietako beste gai bat ere emango diete, euskaldunek gaztelarazko lanak irakurtzea nahiago duten ala ez ere eztabaidatu beharko dute.